

(انتحار)

كنا على المقهى كالعادة فقال فجأة: عرفت اللي حصل؟!

منذ زمن لم يكن هناك جديد كلماتنا هي.. هي.. حياتنا متوقفة.. جامدة

كعجوز قعيدة تنتظر الموت، لم يكن هناك شيء يجذب انتباهي،

قلت بلا مبالاة: إيه اللي حصل؟

قال: (سارة) انتحرت.

قلت: (سارة) مين؟

قال: (سارة) زميلتنا القديمة في الجامعة.

توقف الزمن.. أسمع دقات قلبي كطبول إفريقية مجنونة!

أتذكرها أيام الجامعة.. وردة متفتحة.. متمردة.. ذكية.. مثلاً للحياة،

أحببتها في صمت.

وكانت هي حبيبتي السرية، أكتفي بالنظر إليها، ولا أجرؤ من الاقتراب.

مرت سنوات الجامعة، واختفت قمري، وتركت أثراً في الروح، وذكرى في

القلب. أتساءل: ماذا حدث؟ كيف غيرتها الحياة وحطمتها!

قلت: إنت عرفت ازاي؟

قال: أنا لسه بكلم زميلتها (مها)، وهي اللي قالت لي، وكانت منهرة من

العياط، ومش مصدقة.

قلت ووجهها البريء يبدولي من بين سحبات الدخان: هي انتحرت ازاي؟
قال: أنا عرفت من مها انها أخذت كمية كبيرة من الأقراص المنومة، ولما
وصلت المستشفى كانت ماتت. تهدي، وأكمل: الله يرحمها.

قلت: ما تعرفش إيه السبب اللي خلاها تعمل كده؟

قال: لا ما اعرفش، بس انت عارف إن في حياتنا مليون سبب يخلينا كلنا
نعمل كده. بس ما بنقدرش، يمكن جبناء، أو خايفين من عقاب ربنا، أو يمكن
استسلمنا للي احنا فيه.. أنا كتير أوي فكرت في الانتحار، بس باستعيز بالله
من الشيطان، و اقوم اصلي ركعتين.

سألني: إنت فكرت قبل كده في...

قاطعته قائلاً: لا.. لا.. أبدا.

تركته، وانصرفت، وأنا أتحسس معصمي، وأثار محاولة انتحار فاشلة

لا يعرفها صاحبي!